

ՍՏԵՓԱՆ ԿԵՐՏՈՂ

Պատմական գիտությունների թեկնածու

ԵՐԵՎԱՆԻ ԵՎԵՂԵՑԻՆԵՐԻ ԱՎԵՐՈՒՄԸ

Ս. Պողոս-Պետրոս Եկեղեցի

1930-ական թվականների սկզբից Հայաստանի Կոմկուսի ճնշումը Հայոց Եկեղեցու վրա ոչ միայն չթուլացավ, այլև էլ ավելի ուժեղացավ: 1930 թ. հունիս-հուլիս ամիսներին կայացած ՀամԿ/ԲԿ 16-րդ համագումարը իր բանաձևում արձանագրեց. «Կուսակցությունը պետք է ամրապնդի և զարգացնի կրոնի հետադիմական ազդեցությունից զանգվածների ազատագրության ասպարեզում ձեռք բերված էական հաջողությունները¹»:

Բոլշևիկյան ղեկավարությունը շարունակում էր ցուցումներ տալ իր ստորին օղակներին՝ Եկեղեցուն ճնշելու վերաբերյալ: Ինչպես ողջ երկրում, այնպես էլ Հայաստանում այդ տարիներին հայտնի էր բոլշևիկյան հայտնի մի առած՝ «Կորչի չարիքը, կեցցե հնգամյակը չորս տարում»²:

Երկրում ուր թափով սկսեցին ավերել վանքերն ու եկեղեցիները: Նորքի Սիմեոն ծերունի Եկեղեցին պայթեցվեց 1930 թ.: Բոլշևիկների մտահոգացմամբ փակված եկեղեցիների սոսկ կանգուն հպարտ տեսքը ժողովրդին հուշում էր Աստծո և կրոնի գաղափարը, նրանց ուշադրությունը շեղելով ժամանակակից իրականությունից, «լուսավոր ապագայի կառուցումից»: Մոսկվայում քանդվեց Կազանյան տաճարը, իսկ Երևանում սկսեցին խոսել Ս. Պողոս-Պետրոս Եկեղեցու նախապատրաստվող քանդման մասին: Այդ ընթացքում հնությունների պահպանության կոմիտեն կատարում էր այդ եկեղեցու վերակառուցման աշխատանքները: Իմանով, որ Եկեղեցուն վտանգ է սպառնում, նրա պաշտպանությամբ ելույթ ունեցան հուշարձանների պահպանության կոմիտեի նախագահ Ալեքսանդր Թամանյանը և այդ նույն կոմիտեի գիտական քարտուղար Աշխարհաբեկ Քալանթարյանը, որոնք 1930 թվականի փետրվարի 6-ին և մարտի 2-ին նամակով դիմեցին Հայաստանի լուսժողկոմ Ա. Եղիազարյանին, որում գրում էին. «Կոմիտեն տեղեկացել է, որ Երևանի քաղխորհուրդը որոշել է քանդել Աբովյան փողոցում գտնվող Պողոս-Պետրոս Եկեղեցին:

Կոմիտեն իր պարտքն է համարում հայտնել ձեզ, որ վերոհիշյալ եկեղեցին կառուցված է 1679 թվականի մեծ երկրաշարժից անմիջապես հետո: Դա Երևանի ամենահին շենքերից մեկն է, որովհետև երկրաշարժը հիմնովին ոչնչացրել էր քաղաքի բոլոր կառուցվածքները: Բացի դրանից, այն ունի իր վրա բազմաթիվ արձանագրություններ, քանդակներ, պատմական դուռը Բին Բայազետից բերված/ և իր ամբողջությամբ ներկայացնում է 17-րդ դարի հայ ճարտարապետական պատկերը: Նրա կործանումը մի զգալի բաց պիտի առաջացնի Երևան քաղաքի շինարարության պատմության համար:

Ուստի և կոմիտեն խնդրում է ձեզ միջնորդել ժողկոմխորհի առաջ թույլ

¹ ՀամԿ/ԲԿ 16-րդ համագումար: Սղագրական հաշվետվություն, Մոսկվա, 1930 թ., էջ 715:

² «Ամաստված» ամս., 1930 թ., հ. 4, էջ 3:

չտալ այդ հուշարձանի քանդումը, մանավանդ որ նրա կանգուն մնալը չի խանգարում նրա շուրջը քաղաքացիական շենքեր կառուցելու Արդյունաբերական և հրապարակի կողմից»³:

Ստանալով այս նամակը, լուսժողկոմը դիմեց ժողկոմխորհի նախագահի տեղակալ Ս. Սարգսյանին. «Ուղարկելով Ձեզ հնությունների պատմության կոմիտեի 1930 թվականի մարտի 2-ի գրությունը, լուսժողկոմն միջնորդում է որպեսզի հնարավորություն տրվի կոմիտեին Պողոս-Պետրոս եկեղեցու ներսի ուսումնասիրությունները վերջացնելու»:

Մինչ այդ կարելի էր քանդել զանգակատունը, իսկ կտուրը հետաձգել առայժմ, մինչև ուսումնասիրական աշխատանքների ավարտումը ներսում⁴: Նույն թվականի փետրվարի 21-ին Ա. Թամանյանին և Ա. Քալանթարյանին պատասխանեց Երեւոյի տրոհման նախագահ Գ. Չանեսովյանը. «Հայտնում ենք, որ Պողոս-Պետրոս եկեղեցու մասին կան բազմաթիվ բանվորական կազմակերպությունների որոշումներ, որոնք հավանություն են ստացել քաղաքի տրոհման նախագահության կողմից»:

Հիշյալ եկեղեցին, ճիշտ է, չի ընկնում քաղաքի հատակագծման տակ, սակայն այդ դեռ չի մշակվում, որ քաղաքի տրոհումը կարող է հանդուրժել, որպեսզի այդ եկեղեցին կանգուն թողնվի իր շրջակայքի կառուցվելիք նոր տների մեջ...⁵:

Որպեսզի ավելի լավ ու ստույգ գնահատվեն Ս. Պողոս-Պետրոսի որմնանկարները՝ Մոսկվայից Երևան հրավիրվեց գեղանկարիչ-վերականգնող Գրիգորի Չիրիկովը, որը որմնանկարներին ծանոթանալուց հետո Հայաստանի լուսժողկոմին տեղեկացրեց. «Այա, անցնելով գեղանկարչության շերտերի նյութի տեխնոլոգիային, և տեղի հայկական հնագրության ու նրա (եկեղեցու-հեղ.) շրջակայքում իմ կարծառն այցելության ընթացքում հայտնաբերվեցին նյութեր և գրականության մեջ հիշատակություններ, որ գեղանկարչության յուզանքեր կերպը այստեղ հանդիպում է արդեն 10-րդ դարի սկզբին: Հավանաբար Արևելքի և մասնավորապես Հայաստանի ձեռագրերի ու գեղանկարչության նյութի խոր ուսումնասիրումը կհարկադրի փոխել եվրոպական գիտական աշխարհում գոյություն ունեցող կարծիքը յուզանքեր կերպի առաջացման ժամանակաշրջանի մասին և կարևոր ճշտում կմտցնի գեղարվեստական գեղանկարչության մշակույթի ուսումնասիրման մեջ: ...Վերջում ուզում եմ կանգ առնել հենց իր՝ շենքի քանդման, հետևաբար, գոյություն ունեցող որմնանկարների փոխադրման հարցի վրա: Ես գտնում եմ, որ դա պահելու պայմանների ցանկացած փոխառության դեպքում կկորսվեն ինչպես ամբողջ գիտական հավաստիությունը, այնպես էլ արժեքավոր տվյալները, որոնցից ասես գիտական բազայից, աշխարհի գիտնականները ուսումնասիրության համար նյութ են քաղում»:

Պահպանված գեղանկարչությունը վաղնջական ժամանակաշրջանի, դարերի ընթացքում գոյություն ունեցող եղանակների ուսումնասիրման

³ Հայաստանի Հանրապետության նորագույն պատմության պետական կենտրոնական արխիվ, ֆ. 1063, ց. 1, գ. 92, թ. 1:

⁴ ՀՀ ՊՊԿԱ, ֆ. 113, ց. 1, գ. 551, թ. 5:

⁵ ՀՀ ՆՊԿԱ, ֆ. 113, ց. 1, գ. 551, թ. 3-4:

ուղիների փարոս է հանդիսանում, ուստի գտնում են, որ շինությունը քանդելու մտքից պետք է մեկնողմիշտ հրաժարվել⁶։



Ս. Պողոս-Պետրոս եկեղեցու զանգակատունը քանդման օրերին (1931 թ.)

Բուլչևիկները ոչ մի գնով չէին հրաժարվում եկեղեցին քանդելու իրենց մտադրությունից և սոսկ դրա ժամկետը երկարացրին, որպեսզի հանդարտվեն եկեղեցու շուրջը ծագած կրքերը։ Իսկ այդ ընթացքում հուշարձանների պահպանության կոմիտեի մասնագետները շարունակում էին Ս. Պողոս-Պետրոս եկեղեցում կատարել վերականգնման աշխատանքները։ Սակայն արդեն 1930 թվականի հոկտեմբերին, Երջաղզավագործկոմի կոմունալ տնտեսության բաժնի վարիչ Մարտիրոսյանը Հուշարձանների պահպանության կոմիտեին պահանջագիր ուղարկեց, որում ասվում էր. «Նկատի ունենալով, որ գալիք շինեզոնը սկսվելուն պես քանդվում է քաղաքի նախկին Պողոս-Պետրոս եկեղեցին, ուստի խնդրվում է դադարեցնել ձեր կողմից այդ շենքում տարվելիք վերականգնման աշխատանքները և առանձնացնել ու փոխադրել կառուցվածքներից այն մասերը, որոնք որպես հնություն որոշ արժեք ունեն ու անհրաժեշտություն են ներկայացնում կոմիտեիդ համար։ Ժամկետ՝ 20-ը նոյեմբերի։

Ժամանակին անհրաժեշտ մասերը փչանալու դեպքում պատասխանատվությունն ընկնում է Ձեզ վրա⁷»։

1930 թվականի նոյեմբերի 6-ին Երևանի քաղաքային խորհրդի նախագահության նիստում լսվեց Ս. Պողոս-Պետրոս եկեղեցու քանդման հարցը։ Երջաղխորհրդի նախագահությունը որոշեց. «Նկատի ունենալով, որ այդ եկեղեցու շենքը չունի ոչ մի ճարտարապետական արժեք, գտնել անհրաժեշտ մրա քանդման աշխատանքները ավարտել⁸»։ Եվ 1931

⁶ ՀՀ ՆՊՊԿԱ, ֆ. 1063, ց. 1, գ. 92, ք. 4-5:

⁷ ՀՀ ՆՊՊԿԱ, ֆ. 113, ց. 1, գ. 552, ք. 4:

⁸ ՀՀ ՆՊՊԿԱ, ֆ. 113, ց. 1, գ. 552, ք. 6:

թվականին «Պողոս-Պետրոս եկեղեցու որմնանկարները խնամքով, շերտ առ շերտ տեղից հանվեցին այդ գործի չավագույն մասնագետների ձեռքով⁹»։ Եկեղեցին քանդվեց։



Ս. Պողոս-Պետրոս եկեղեցու ավերակները

Մինչ Ս. Պողոս-Պետրոս եկեղեցու ավերումը մասնագետները կարծում էին, որ կառուցվել է 17-րդ դարում հայտնի երկրաշարժից հետո։ Սակայն քանդելուց հետո պարզվեց, որ «այն իր ներքին մասում դեռևս հարազատորեն պահել է 5-րդ դարի բազիլիկայի առանձնահատկությունները¹⁰»։ Կործանվեց հնագույն ժամանակներից մեզ հասած և մշակութային-ճարտարապետական ու պատմական կարևորագույն մշակակություն ունեցող մի կառույց։ Զուր չեն ասում, թե այստեղով անցել են ոչ թե բարբարոսները, այլ բոլշևիկները։

Ա. Կաթողիկե եկեղեցի

1937-38 թթ. Հայաստանի բոլշևիկյան իշխանությունների հաջորդ հարվածը ուղղված էր Երևանի Կաթողիկե եկեղեցուն։ Նրա ավերումը տևեց «1936 թ. դեկտեմբերից մինչև 1937 թ. մարտ ամիսը¹¹»։ Կաթողիկեն գտնվում էր Երևան քաղաքի կենտրոնական մասում։ Սյդ թաղամասը առաջ կոչվել էր «Հին թաղ», իսկ ավելի վաղ՝ Շհար¹²։ Ինչպես գրել է պատմաբան Կ. Ղաֆադարյանը, «1936 թ. վերջերին, Կաթողիկե եկեղեցին ընկնում էր կառուցվելիք շենքերի տեղում։ Այդ պատճառով հարց ծագեց նրա քանդման մասին։ Սակայն, որպեսզի քանդման ընթացքում որևէ կարևոր բան չփչանա, Երևանի քաղաքային խորհուրդը ՀԽՍՀ պատմության և գրականության ինստիտուտին դիմեց թույլտվություն ստանալու համար։ Ինստիտուտը քանդումները չարգելեց, թույլ տվեց, բայց պայման դրեց, որ քանդումները կատարվեն հնագետի

⁹ Կ. Ղաֆադարյան, «Երևանի միջնադարյան հուշարձանները», էջ 29։

¹⁰ Նույն տեղում, էջ 30։

¹¹ Թ. Հակոբյան, «Երևանի պատմությունը», էջ 269։

¹² Կ. Ղաֆադարյան, «Երևանի միջնադարյան հուշարձանները», էջ 17։

ամենօրյա հսկողության ներքո, որպեսզի որևէ կարևոր բեկոր չկորչի և չփչանա: Այն ժամանակ վերոհիշյալ կազմի մեջ էր գտնվում նաև պատմական հուշարձանների պետական մարմինը, որը և տողերիս գրողին նշանակեց այդ քանդումների հսկիչ-լիազոր: Մեր պարտականությունների մեջ էր մտնում օրվա բոլոր ժամերին հետևել քանդումներին, և եթե ի հայտ գային արժեք ներկայացնող բեկորներ կամ շենքի մասեր՝ ապահովել դրանց պահպանությունը:

Քանդումները սկսվեցին դեկտեմբեր ամսին և տևեցին մինչև հաջորդ տարվա մարտ ամիսը: Այդ քանդումները թեև կրկնակի կերպով երկար տևեցին հաճախակի մեր դրած արգելքների պատճառով, բայց Երևան քաղաքին պարգևեցին միջնադարյան մի հուշարձան... պատկանելիք 13-րդ դարի երրորդ կեսին¹³:



Երևան. Կաթողիկե եկեղեցու
գավթի արևմտյան ժակատը
քանդման ընթացքում (1936-1937 թթ.)

Սոսկ հազվագյուտ, իսկական հայրենասերները, չվախենալով սարսափելի ժամանակներից, դիմադրեցին եկեղեցիները քանդող բարբարոսներին: Եզակի այս նվիրյալներից էր քսանական թվականների բռնություններից հրաշքով փրկված Երևանի համալսարանի պրոֆեսոր, հնագետ-պատմաբան Աշխարհարեկ Քալանթարը: Արդյ՛ն գյուղի Լորիս-Մելիք-Քալանթարյանների ազնվական տոհմի ներկայացուցիչը: Նա՛ մեծ գիտնականը, հնագետը չէր կարող անտարբեր մնալ Հայաստանի պատմական արժեքների ճակատագրի հանդեպ: 1937 թ. հունվարի 19-ին Ա. Քալանթարը ընդարձակ նամակով դիմեց հայ բոլշևիկների ղեկավար Ամատունուն, ուր ասվում էր. «Ձեր ուշադրություն

¹³ Կ. Ղաֆադարյան, «Երևանի միջնադարյան հուշարձանները», էջ 23:

եմ հրավիրում Կաթողիկեի՝ իբր կարևոր պամական հուշարձանի քանդումի վրա, որ ներկայումս կատարվում է Երևանում, քաղխորհրդի կողմից:

Երևանը հարուստ չէ պատմական հուշարձաններով, հազիվ երկու-երեք հատ, այն էլ վերջին դարերի անճաշակ նորոգումներով արտաքուստ ալլանդակված դրությամբ, որով, սակայն նրանք կորցնում են իրենց գիտական արժեքը:

Կաթողիկեն պատկանում է խոր հնության: Ներկայիս շենքը իր պլանով 7-րդ դարի է, սակայն բազմիցս նորոգված և Կաթողիկե /այս կոչումը ճարտարապետական տիպը որոշող տերմին է/ վերջին մասը բոլորովին փոխված է: Ըննքի արևմտյան մասը, որի մշակումը կատարված է 10-11-րդ դարերում, զարմանալիորեն մինչև այժմ մնացել է նույնությամբ, անավարտ, առանց ռեստավրացիաների մինչև իրեն վերին մասը՝ դիմանալով անգամ Երևանի մեծ երկրաշարժին 17-րդ դարում /1679 թ./, այդ երևում է նաև նրանից, որ գմբեթի հենց տակը գտնվում է մի կարևոր ընդարձակ արձանագրություն 13-րդ դարի սկզբի /հակառակի պես հենց այս մասում է այս րուպեիս կենտրոնացված քանդումը/:

Կաթողիկեն բոլորովին չի ուսումնասիրված և քանդումից առաջ էլ ոչ մի, թեկուզ նախնական հետազոտում չի կատարված: Այն հապճեպությամբ, որ կատարվում է այս քանդումը, հնաքավոր չէ նայել անգամ, ուր մնաց ֆիկցիայի ենթարկել, ազատել կամ ուսումնասիրել բացվող արժեքները:

Բայց նրանք կան: ...Ֆրեզկաները /պատկերազարդերը- Ս.Վ./ /երկու-երեք շերտ իրար վրա/ ճարտարապետական կարևոր մանրամասնություններ...

Սրանք Երևանի հնագույն պատմության միակ փաստաթղթերն են, հայ արվեստի կոթողները, ուստի և անթույլատրելի է նրանց ոչնչացումն այն ձևով, ինչպես այդ կատարվում է ներկայումս քաղխորհրդի կողմից:

Ելնելով վերոհիշյալից, խնդրում եմ կարգադրել կանգնեցնել քանդումը և հանձնարարել հատուկ մասնագիտական ժողովին կատարելու շտապ հետազոտություն և նրա արդյունքն այդ հուշարձանի գիտական արժեքի մասին՝ ձեզ ներկայացնելու զեկուցագրով¹⁴:

Ամատուցին այս նամակի վրա մակագրեց. «Հանեսօղյանին: Խնդրում եմ հաստատել այս հարցը և մտցնել բյուրո», այսինքն այն նույն Հանեսօղյանին, որը ժամանակին Ս. Պողոս-Պետրոս եկեղեցու քանդման հեղինակներից մեկն էր, իսկ այժմ ավերում էր մեկ այլ պատմական կոթող: Պրոֆսոր Ա. Զալանթյանի մասին շուտով մոռացան, իսկ նրա առաջ քաշած հարցը այնպես էլ չքննարկեցին կենտրոնի բյուրոյում և նամակը անհետացավ արխիվներում: Իսկ Կաթողիկեն շարունակում էին քանդել, որն ավարտվեց 1937 թ. մարտին: Նույն 1937 թվականին, որպես ժողովրդի թշնամի, զնդակահարվեց նաև Հայոց եկեղեցու պաշտպաններից մեկը՝ Աշխարհաբեկ Զալանթյանը:

¹⁴ ՀՀԴ ԶԿՓԿՊԱ, ֆ. 1, ց. 17, գ. 52, թ. 120:

Ա. Գրիգոր Լուսավորիչ եկեղեցի

Քառասնական թվականների երկրորդ կեսին քանդվեցին Երևանի Ա. Աստվածածին և Ա. Լուսավորիչ եկեղեցիները: Նորքի Ա. Աստվածածին եկեղեցին քանդվեց 1947 թվականին¹⁵: Իսկ Ա. Գրիգոր Լուսավորիչ եկեղեցին քանդվեց 1949 թվականի ամռանը:



Երևան. Ա. Գրիգոր Լուսավորիչ եկեղեցին:
Ավերվել է 1949 թ.

Ստալինի ծննդյան 70-ամյակի առթիվ հայ բուլշևիկները նվեր էին պատրաստել քանդեցին Երևանի Ա. Գրիգոր Լուսավորիչ եկեղեցին: Ինչպես գրել է Երվանդ Շահազիզը, «Երևանի նոր եկեղեցին Ա. Լուսավորիչն է, որը կառուցվել է «խանլըղ բաղում», կամ Նոր թաղում, դրա համար թողնված հրապարակում: Դրա հիմքը ձգվել է 1869 թվականին և ավարտվել է 1900-ին¹⁶»: Ա. Լուսավորիչ եկեղեցին գործել է 1900-1926 թթ.: Քսանական թվականներին այն վերածվեց «Ամաստված» կինո և տիկնիկային թատրոնների: 1947 թվականի մայիսի 14-ին քրիստոնեական պատճառով այստեղ բնակություն էին հաստատել տուժածները: Եկեղեցին սկսեցին քանդել 1949 թ. ամռանը: Իշխանությունները ստիպում էին, որպեսզի եկեղեցին քանդեն գերմանական ռազմագերիները: Սակայն վերջիններս հրաժարվեցին: Իշխանությունները Ամիրյան փողոցը փակեցին 10-15 բեռնատար ավտոմեքենաներով, ապա եկեղեցու զմբեթի խաչը կապելով ճոպանով և միացնելով բեռնատարին, ձգեցին, և խաչը տապալվեց: Երկու ամիս անընդհատ քանդում էին եկեղեցին, բայց չէին կարողանում ավերել՝ չափից ավելի ամուր էր մինչխորհրդային կառույցը: Հետո եկեղեցու մի մասը քանդեցին՝ պատի մեջ լցնելով պայթուցիկ

¹⁵ Ա. Ստեփանյանց, «հայ Առաքելական եկեղեցին ստալինյան բռնապետության օրոք», Ե., 1994 թ., էջ 202-203:

¹⁶ Ե. Շահազիզ, «Հին Երևանը», Ե., 1931 թ., էջ 221:

մյուս: Պատն ամբողջությամբ փլվեց: Հետագայում քարերի մի մասն օգտագործվեց դպրոցի շինարարության համար¹⁷:



Մի տեսարան (20-ական թվականների վերջ) Երևանի կենտրոնից
Կենտրոնում՝ Ա. Պողոս-Պետրոս եկեղեցին

Ինչպես արդարացի նկատել է Ա. Քալանթարը, Երևանը հարուստ չէր պատմական հուշարժաններով և եղածը պետք էր զգուշությամբ և ապահով պահպանել գալիք սերունդների համար և ոչ թե մնան բարձարու ծներով Երևանը զրկել իր հոգևոր ժառանգությունից ու հարստությունից:

¹⁷ Ա. Ստեփանյան, «Հայ Առաքելական եկեղեցին ստալինյան բռնապետության օրոք», էջ 217-218:

«Հայ Առաքելական եկեղեցին ստալինյան բռնապետության